

Kereyti
ya 3



Buka e kgolo ya dipalenyana

SESOITHO



basic education
Department:
Basic Education
REPUBLIC OF SOUTH AFRICA

Buka

2

Tsela ya ho sebedisa Buka e Kgolo ena:

Dipale tse bukeng ena:



1

Mafelo a beke a hopolehang

1

Jwaloka titjhere o tla hloka ho rala le ho etsa tokiso ya mosebetsi wa palo e kopanetsweng le sehlopha sa hao. Ka tlwaelo ha titjhere e etsa palo e kopanetsweng, titjhere e sebetsa le bana bohle, empa ha sehlopha se le sehlo haholo, ho molemo ho sebetsa le sehlotshwana kapa karolo ya sehlopha. Ho hlokomelwe ho tiisa ho netefatsa hore bana ba dula mmoho mme ba bona Buka e Kgolo hore ba kgone ho bona se ngotsweng.

Nakong ya palo e kopanetsweng ya Buka e Kgolo bana ba ithuta ho tshwara buka, ho e tshwara ka mokgwa o nepahetseng, ho phetla maqephe ka mokgwa o nepahetseng. E hodisa tsebo ya sethato ya tsebo ya buka- khabara, bokapele, bokamorao le sehlooho. E tataisa le kamoo tsela ya palo e etsahalang ka teng mme e bohlokwa bakeng sa tswelliso pele ya bana ya ho mamela, ho bua, ho bala, ho nahana, le ho rarolla mmoho le bokgoni ba ho ngola bo batlahalang ho CAPS:

- Ho hodisa bokgoni ba ho mamela le ho bua.
- Ho hodisa bokgoni bo hlahellang ba ho bala.
- Ho araba dipotso paleng.
- Ho taka kapa ho tshwantshisa pale.
- Ho sebedisa ditshwantsho ho noha hore pale e bua ka eng.
- Ho sebedisa palo e kopanetsweng e le motheo wa ho ngola ho arolelanwang.

Ho itokisetsa nako ya palo e kopanetsweng

- Netefatsa hore bana bohle ba bona buka. Ha sehlopha sa hao se le sehlo, sebetsa le sehlotshwana se senyenyane.
- Ho tla thusa ho emisa buka hore o se e tshware ha o ntse o bala. (Bona ditaello tsa ho emisa buka khabareng e kamorao.)
- Sebedisa rula kapa thupa ho latella mantswe ha o ntse o bala.
- Ha o batla ho bonahatsa mantswe a kgethehileng, o ka sebedisa disitiki nota pela lentswe ho le bonahatsa, kapa wa iketsetsa fensetere ya mejiki'. Sebedisa pampiri e kgutlonne mme e nyenyane e kgutlonne e sehwe mahareng a e kgolo. Nka e kgolo mme o e behe sengolweng hore ho bonahale lentswe le le leng feela.

Mokgahlelo wa pele wa palo e kopanetsweng

Mokgahlelo wa pele o tadimana le ho natefelwa le 'tadimo' ya pele ya sengolwa, mme bana ba fana ka maikutlo a bona ka sengolwa.

- Phetla pale eo ba tlang ho e bala. Bua ka ditshwantsho.
- Kopa bana ba nohe pale ka sehlooho le ditshwantsho.
- Pele ho balwa ba tsebise mantswe a thata paleng.
- Etsa dikarete tsa mantswe ho tsebisa tlotlontswe e ntjha.
- Bala pale, o sebedisa sefahleho le ho phahama ho fapaneng ha lentswe. Sebedisa matsoho le sefahleho.
- Latela mongolo ha o ntse o bala ka ho supa ka rula kapa thupa mantswe hore bana ba bone seo o se balang le ho se amanya le medumo leqepheng. Sena se tla ba thusa le ho bona tsamaiso ya ho bala ho tloha ho le letshehadi ho isa ho le letona le ho tloha hodimo ho leba fatshe.
- Sebedisa sena e le monyetla wa ho ba tsebisa 'puo ya buka' jwaloka: mantswe, polelo, leqephe, mongodi, sehlooho jl.
- Ha bana ba be le seabo paleng ka ho pheta dipolelo tse iphetang(mohlala: "Matha, matha, matha ka lebelo, o ke ke wa ntshwara- ke monna wa borotho ba kgemere!")
- Pale e le nngwe e balwe makgetlo a mabedi ho isa ho a mararo ho neha bana monyetla wa ho bina mantswe, ho tshwantshisa, le ho bolela pale ka mantswe a bona.

Mokgahlelo wa bobedi wa palo e kopanetsweng

- Mokgahlelong wa bobedi ho sebediswa sengolwa sona se sebedisitsweng pele feela kगतello e le ho baleng mme titjhere e sebedisa dipuisano tse teng ho hodisa tlotlontswe ya kutlwisiso, bokgoni ba ho rarolla le sebopeho sa sengolwa (thuto-puo, matshwao a puo jl)
- Ho ho wena, titjhere ho tlisa bana ho tadimo e shebaneng le tse latelang: kgopolo ya ho ngola, sebopeho sa sengolwa, medumo ya puo, sebopeho sa puo, ditsela tsa ho kgetholla mantswe le kutlwisiso maamong a fapaneng (dipotso tsa puo- phara, ho hlopholla, ho akanya, ho sekaseka le kananelo)

Mokgahlelo wa boraro wa palo e kopanetsweng

- Mokgahlelong wa boraro wa palo e kopanetsweng, bana ba ipalle sengolwa ka bo bona mme ba etse mosebetsi wa molomo, ho etsa le ho ngola ho itshetlehileng sengolweng.
- Moo ho kgonehang, sengolwa sa Palo e Kopanetsweng se lebise ho Ho Ngola ho Kopanetsweng moo titjhere e bontshang ho ngola sengolwa mme bana ba qapa bongodi ba sengolwa ha titjhere e ba tataisa ebile e ngola seo ba se tjhong. Sena se thusa ho lokisetsa bana mosebetsi wa ho ingolla mesebetsi ya bona.



E ne e le mafelo a beke a ka a ho tjhakela Nkgono le Ntatemoholo polasing ya bona. Nna le motswalle wa ka wa hlooho ya kgomo Daza, re ne re bua ka mafelo a beke ka nako tsohle.

Titjhere wa rona, Mofamahadi Stewl, o re kgaoleeditse re fetisetsana melaetsa ka mafelo a beke empa re ne re thabile hoo re neng re sa tsotelle.



Re ne re rata polasi. Ho ne ho na le matata, makgansi, dikgoho, ditonki, dintja, ditshwene esitana le dipodi tse tharo tse nyenyane.

Dipodi di ne di bolokilwe paneng haufi le ditonki. Di ne di na le matlalo a mahwashe, ditsebe le mahlo a maholo le manaka a kobehileng bohareng ba diphatla tsa tsona.

Moqebelo o mong le o mong,
Nkgono le Ntatemoholo ba ne ba rwala dibutse tsa bona tsa raba le diouvarolo ho hlwekisa pane ya dipodi. Pane ya dipodi e ne e ba ditshila ebile e ba le seretse.



Ha re ntse re kganna ho ya hodimo ntlong ya polasi, ka utlwa eka ho na le ho hong ho sa lokang. Nkgono le Ntatemoholo ha ba fihla hekeng ho tla re kgahlanyetsa.

“Sheba, mme, ho teng se etsahetseng, Nkgono le Ntatemoholo ba robetse ka hara pane e ditshila!”

“Joo”, ha kgotsa Mme, “ke a kgolwa ha ba a robeha masapo! Jwale di kae dipodi tse tharo, Ngwenia, Layla le Billy? Di ka be di phonyohile hape! Benjamin, wena le Daza batlang moo dipodi di ileng ha nna ke thusa Nkgono le Ntatemoholo.



Ngwenia, podi e hodisitweng le dintja, e ne e le sebopuwa se makatsang. E ne e sa tsebe kapa ke ntja, podi kapa motho.

Nkgono o ne a e nyantsha lebotlolo. Ha e ne e le nyenyane e ne e utswa mafoforetsane ebile a robala soufeng.



Ngwenia e ne e le bohlae mme ka nako e nngwe e phahamisa setepise hore e phonyohe paneng.

Tse ding tse pedi di ne di e latela ka nako tsohle. Layla, podi e nyenyane e kile ya thuswa le yona, ha Billy, e kgolo e ne e fela pelo ebile e thula batho.


Ke tsebile hore sena ke se neng se etsahetse ho Nkgono le Ntatemoholo!



Ra mathela masimong kapele. Dipodi tsohle di ne di fula masimong a qetang ho lokiswa, di ja jwang bo qetang ho sehwa le manaka a silehileng.

Ke ne ke ratile ho di tlohela moo empa ho ne ho se na terata ebile dipodi di ne di rata diprotea tse rekiswang tsa Monghadi le Mofamahadi Nathe.

Ra di bitsa ka bonolo. "Ngwenia, Billy, Layla tlong mona, Billy ya emisa ditsebe tsa yona ya qala ho ngwapa fatshe ka tlhako.



Pele ka tsamaela ho Ngwenia. Ka hweshetsa tsebeng ya yona ya tsamaya haufi le nna e thotse.

Nkgono le Ntatemoholo ba ne ba se ba tlohile moo. Mme wa ka o ne a entse bonnete ba hore ha ba lemala. Ba ne ba dutse ditulong tsa bona ka morao setupung.

Ra notlela pane hantle ra lata Billy. Ra e apesa lebanta la ntja la thapo e telele molaleng ra ntoo e kgutlisetsa ka manganga a yona paneng.



Ho ne ho na le dibisekiti tse entsweng hae le Milo tse neng di re emetse.

“Re a leboha nkgono!” ra hoeletsa mmoho. Re ne re rata dibisekiti tsa hae haholo. Nkgono le Ntatemoholo ba ne ba na le dintja tse hlano.

Jasmine, Joya, Carlo, Big Dog le Ditto. E ne e le dintja tse lahlehileng kaofela ha tsona mme bonkgono ba ne ba itholletse tsona.

Jasmine e ne e na le maoto a malelele, e le tshehadi ka letlalo le phatsimang le mahlo a maholo a matle.



Dintja e ne e le dintho tsa bohlokwa polasing. Big Dog e ne e le kgolo kgolo e tlwaetse Goosey letata. Ha re ne re bitsa Big Dog ho lata dijo tsa yona, Goosey letata le ne le tletleba ka ho se nehwe mafoforetsane le lona. Ka kgutlela kitjhining ho le latela borotho.

Joya e ne e le thatohatsi ya ntja ya Nkgono. E ne e phetse le Nkgono ho tloha kgale. E ne e rata Nkgono, mme e dula e mo thetsa hangata ha e kgona.

Ditto le Carlo e ne e le dintja tse nyenyane tse neng di thabela ho ba mmoho. Di ne di etsa bonnete ba hore dikgoho di bolokehile ha diphokojwe di ka kena polasing.



Nkgono le Ntatemoholo ba ne ba na
le letamo le leholo polasing ya bona.
Nna le Daza re ne re rata ho sesa
moo.

Ka tsatsi le latelang hoseng, dintja
tse hlano, Daza le nna ra mathela
letamong ho ya sesa.

Jasmine, yona e ne a rata ho sesa.
Mohlang ke neng ke shwa bohatsu
leotong, e ile ya ntshwara ka letsoho
ya nkgulela ka thoko. Nna le Daza, re
ne re iphumana re bolokehile ha re na
le Jasmine.



Ka mora ho qeta nako re le Letamong, e ne e le nako ya dijo tsa mantsiboya. Tseleng ya ho ya hae, ra utlwa modumo wa "meee" o hlokang thuso. Konyana e qetang ho tswalwa e ne e tshwarehile meutlweng e hlabang.


"Daza, nthuse ho lokolla konyana meutlweng", ka kopa. Ka mora boiteko bo itseng, ra kgona ho thusa konyana. Ya hahabela ho mma yona, ya neng a shebile ngwana wa hae a kgathatsehile. Ha re fihla hae ra jwetsa bohle seo re se entseng. "Le sebeditse," ha realo



Ntatemoholo. Le tla ba le ditaba tse
ngata tseo le tla di phetela metswalle
ya lona hosane sekolong Mafelo a beke
a monate hakaakang!” Re rata polasi.

Mehopolo e monate e dula e hopoleha.





O amohelwa letotong le bitswang Buka e Kgolo. Buka e Kgolo ena ke karolo ya tse ding tsa Rainbow Series, tse kenyelletsang dibuka-tshebetso, pokello, dibuka tsa dihlopha le diphousetara. Re tshepa hore o tla fumana dipale tsa mefuta tse kenyeleditsweng dipaleng tse robedi tsa Buka e Kgolo kereiting ena, di le bohlokwa ho ruteng ha hao mme le hore bana ba tla natefelwa ke kamano ya bona le palo e kopanetsweng.

CAPS bakeng sa boemo bo qalang e hlakisa Palo e Kopanetsweng e le e nngwe ya dikarolo tsa bohlokwa tsa tsela ya ho bala. Palo e Kopanetsweng hangata e nka nako ya pakeng tsa matsatsi a mabedi le a mane bekeng mme ngwana e mong le e mong a bala sengolwa se le seng. Dibuka-tshebetso le dibuka tsa dihlopha di loketse sepheo sena.

Le ha ho le jwalo, palo e kopanetsweng ho sebediswa Buka e Kgolo e ngotsweng ka ditlhaku tse kgolo ke tsela e ntle ya palo e kopanetsweng hobane bana ba kgona ho bona mantse le ditshwantsho, mme ba kgona ho latela ha ho ntse ho balwa jwaloka tsela e tlwaelehileng ya ho pheta dipale malapeng. Ho bohlokwa hore bana ba dule pela Buka e Kgolo hore ba bone le ho bala sengolwa. Ditlhaku tse kgolo tsa dibuka tse kgolo di nehelana ka bokgoni ba ho balla bana ba bang ka lentse le hodimo ka nako e le nngwe ka boiketlo maemong a phutholohileng.

Dibuka tse kgolo letotong lena di tla hlakisa bana tsebong ya dipale tse fapaneng, dithothokiso, diraeme le dipapadi hammoho le tlhahiso le dingolwa tsa ditshwantsho.

Ke boikarabelo ba hao, o le titjhere, ho neha dipale bophelo baneng hore maemo a ho natefelwa le ho thaba a be teng. Tshebediso ya Buka e Kgole e o neha bokgoni ba ho bopa kamano ya ketso ya ho bala ka tsela e natefelang wena mmoho le bana. Re tshepa hore buka ena e tla o thusa ho etsa sena.



Iketsetse seemisa sa Buka e Kgolo



O tla hloka:

1. Khateboroto e nang le bophara bo lekanang le Buka e Kgolo e butsweng (594 mm) mme bolelel bo be makgetlo a 3 (1360 mm).
2. Masking theipi.
3. Ditlilipi kapa diphekese ho tshwara khateboroto mmoho.



Sebedisa masking theipi ho kopanya dikarolo tsa khateboroto.

Mena khateboroto ho etsa foreimi ya A mme o tsipelle bofatshe le sefahleho mmoho jwaloka ha ho bontshitswe setshwantshong se ka tlaase.



- Sebedisa polasetiki e hlakileng e le moalo hodima Buka e Kgolo. Ho tla thusa hore bana le titjhere ba ngole hodima polasetiki.
- Ngola hodima moaloo hlakileng ka pene e phumolehang.
- Sebedisa tlelipi e kgolo ho tshwarahanya moalo o hlakileng le buka e kgolo.



Dikgopolo tse ding tsa ho sebedisa Buka e Kgolo

ISBN 978-1-4315-3054-0



9 781431 530540



ISBN 978-1-4315-3054-0

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

